



## Jadual Pembacaan Khutbah Jumaat

**Siri 10/ 2023 (Oktober 2023)**

| تاریخ                                          | تاجوق                                                  | ب  |
|------------------------------------------------|--------------------------------------------------------|----|
| 6 Oktober 2023M/<br>21 Rabi'ul Awal<br>1445H   | <b>Tarbiah Rasulullah Dalam<br/>Membangunkan Ummah</b> | 1. |
| 13 Oktober 2023M/<br>28 Rabi'ul Awal<br>1445H  | <b>Senjata Tersalah Tuan</b>                           | 2. |
| 20 Oktober 2023M/<br>6 Rabi'ul Akhir<br>1445H  | <b>Memelihara Nasab</b>                                | 3. |
| 27 Oktober 2023M/<br>12 Rabi'ul Akhir<br>1445H | <b>Menginsafi Hikmah<br/>Musibah</b>                   | 4. |
| <b>Khutbah Kedua</b>                           |                                                        |    |

دبیایاء:



زكاة فولاو فینغ

دتریبتکن:



جابتن حال إحوال اکام اسلام فولاو فینغ

---

***Jawatankuasa Panel Semakan Teks Khutbah Negeri  
Pulau Pinang***

---

- 1. SS Dato' Seri Dr. Haji Wan Salim bin Wan Mohd Noor  
(Pengerusi)**  
Mufti Kerajaan Negeri Pulau Pinang
- 2. Y.Bhg Dato' Rosli bin Othman**  
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Mantan Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**  
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab  
(Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)



## Tarbiah Rasulullah Dalam Membangunkan Ummah

6 Oktober 2023M/ 21 Rabi'ul Awal 1445H

الْحَمْدُ لِلَّهِ الَّذِي أَحَاطَ بِكُلِّ شَيْءٍ عِلْمًا وَقَضَىٰ بِمَا يُرِيدُ حِكْمَةً وَحُكْمًا، أَنْعَمَ بِنِعْمِ ابْتِلَاءٍ  
وَأُمْتِحَانًا.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ ذُو الْجَلَالِ وَالْإِكْرَامِ، وَأَشْهَدُ أَنَّ سَيِّدَنَا  
مُحَمَّدًا عَبْدُهُ وَرَسُولُهُ أَفْضَلُ الْأَنَامِ وَمِصْبَاحُ الظَّلَامِ.

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلِّمْ تَسْلِيمًا كَثِيرًا.

أَمَّا بَعْدُ، فَيَا أَيُّهَا النَّاسُ اتَّقُوا اللَّهَ حَيْثُ مَا كُنْتُمْ، فَإِنَّ اللَّهَ يَعْلَمُ سِرِّكُمْ وَعَلَانِيَتَكُمْ.

### PARA TETAMU JUMAAT YANG DIKASIHI SEKALIAN,

Khatib ingin menyeru untuk kita bersama-sama meningkatkan ketakwaan kepada Allah dengan mentaati segala arahan-Nya dan meninggalkan perkara-perkara yang ditegah oleh-Nya. Sahutlah seruan ini agar kita beroleh kejayaan di dunia dan di akhirat.

Selain itu, khatib juga ingin mengingatkan sidang hadirin sekalian, agar memberi fokus dan mendengar dengan bersungguh-sungguh khutbah Jumaat ini. Janganlah leka bermain gajet, tidur dengan sengaja, berbual-bual atau menggerakkan tabung kutipan masjid kerana perbuatan-perbuatan tersebut bertentangan dengan adab mendengar khutbah. Marilah kita bersama-sama



menghayati khutbah Jumaat yang akan membicarakan tajuk **“Tarbiah Rasulullah Dalam Membangunkan Ummah.”**

## **MUSLIMIN RAHIMAKUMULLAH,**

Tarbiah atau pendidikan merupakan perkara asas yang sangat penting dalam pembangunan ummah sama ada pembangunan fizikal atau spiritual. Proses tarbiah di dalam Islam adalah melibatkan penjagaan, pengasuhan dan pendidikan berasaskan sumber Al-Quran Al-Karim dan Sunnah Rasulullah ﷺ. Manakala ilmu pula memimpin manusia ke arah kehidupan yang sejahtera dan harmoni.

Justeru, tarbiah dan ilmu adalah dua ramuan yang tidak dapat dipisahkan kerana kedua-duanya adalah saling berkaitan antara satu sama lain dan memberikan kesan yang besar kepada kehidupan manusia. Penekanan Rasulullah ﷺ tentang kepentingan tarbiah boleh difahami daripada peranan Baginda sendiri sebagai seorang murabbi di samping menyampaikan risalah Islam.

Ketika zaman permulaan Islam, Nabi Muhammad ﷺ telah mentarbiah beberapa orang para sahabat di rumah Al-Arqam bin Abi Al-Arqam. Proses tarbiah ini telah berlangsung sehingga Baginda ﷺ berhijrah ke Madinah. Kesungguhan dan ketabahan Baginda dalam mendidik para sahabat, telah melahirkan satu generasi yang unggul seperti yang diungkapkan oleh Sayyid Qutub sebagai generasi Al-Quran yang unik. Generasi ini memiliki akidah yang kukuh, akhlak yang utuh, ketaatan kepada Rasulullah ﷺ dan kecintaan kepada ilmu. Para sahabat ini adalah

pahlawan yang berjihad dan berjuang di jalan Allah dan mereka jugalah yang memenuhi Masjid An-Nabawi apabila Nabi menyampaikan risalah Islam. Allah ﷻ berfirman dalam surah Al-Fath ayat 29:

مُحَمَّدٌ رَسُولُ اللَّهِ وَالَّذِينَ مَعَهُ أَشِدَّاءُ عَلَى الْكُفَّارِ رُحَمَاءُ بَيْنَهُمْ تَرَاهُمْ رُكَّعًا سُجَّدًا يَبْتَغُونَ فَضْلًا  
مِّنَ اللَّهِ وَرِضْوَانًا ... ﴿٢٩﴾

Maksudnya: “Muhammad ialah utusan Allah dan orang yang beriman dengannya bersikap tegas terhadap orang kafir tetapi berkasih sayang terhadap sesama mereka. Kamu melihat mereka ruku’ dan sujud mengharapkan limpah kurnia (pahala) Allah dan keredaan-Nya....”

Oleh yang demikian, khatib ingin mengajak sidang hadirin sekalian untuk mengambil pengajaran dan hikmah atas kesungguhan dan ketabahan Rasulullah ﷺ dalam membangunkan umat Islam yang memiliki ilmu, iman dan takwa kepada Allah ﷻ. Begitu juga, dengan kesungguhan para sahabat yang boleh kita ambil contoh dan pengajaran untuk terus membangunkan diri dan umat kerana kita adalah sebaik-baik umat.

## **SIDANG JEMAAH YANG DIKASIHI SEKALIAN,**

Matlamat untuk menjadi umat yang unggul dan memiliki ketakwaan tidak mampu diperolehi melainkan dengan menjalani proses tarbiah. Manakala ramuan utama dalam proses tarbiah ini adalah bergantung kepada ilmu agama yang sahih yang boleh meningkatkan iman dan takwa kepada Allah ﷻ. Sesungguhnya, iman yang kukuh dan jiwa yang penuh dengan ilmu sudah

pasti akan menjadi perisai dalam menghadapi segala cabaran dan menjadi individu yang cemerlang di dunia dan di akhirat.

Selain daripada ilmu agama yang sahih, sebagai umat Nabi Muhammad ﷺ, kita perlu meningkatkan keazaman dan kesungguhan untuk terus mempelajari dan menguasai pelbagai ilmu dan bidang untuk terus maju. Sebaliknya tanpa ilmu, kita akan menjadi bangsa yang lemah dan senang dipengaruhi oleh bangsa yang lebih maju dan terkehadapan. Bahkan, ilmu adalah umpama Cahaya yang menerangi kehidupan. Dengan ilmu, kita akan menjadi individu yang positif, bertanggungjawab serta bermotivasi untuk menghasilkan kerja yang berkualiti.

Oleh yang demikian, berilah perhatian kepada menuntut ilmu kerana umat yang berilmu akan dapat mengangkat martabat serta kedaulatan negara menjadi sebuah negara yang unggul pada masa hadapan. Allah ﷻ berfirman dalam surah Al-Mujadalah ayat 11:

... يَرْفَعُ اللَّهُ الَّذِينَ ءَامَنُوا مِنْكُمْ وَالَّذِينَ أُوتُوا الْعِلْمَ دَرَجَاتٍ وَاللَّهُ بِمَا تَعْمَلُونَ خَبِيرٌ ﴿١١﴾

Maksudnya: "...nescaya Allah akan mengangkat (darjat) orang yang beriman antara kamu dan orang yang diberi ilmu (dalam kalangan kamu) beberapa darjat. Dan (ingatlah) Allah Maha mendalam pengetahuannya tentang apa-apa yang kamu lakukan."

Kesungguhan dalam memenuhi tanggungjawab dalam mencari ilmu adalah manifestasi kecintaan kepada Rasulullah ﷺ. Islam memerintahkan kita sama ada menjadi orang yang berilmu, atau orang yang menuntut ilmu, atau orang yang mahu mendengarkan ilmu, atau orang yang

menyukai ilmu. Dan janganlah engkau menjadi orang yang kelima maka kamu akan celaka.”

## MUSLIMIN YANG DIRAHMATI ALLAH SEKALIAN,

Sebagai kesimpulan, beberapa perkara penting yang ingin khatib rumuskan iaitu:

**Pertama:** Generasi para sahabat yang dibangunkan oleh Rasulullah ﷺ adalah generasi yang telah dididik melalui proses tarbiah yang penuh dengan ketelitian dan berterusan.

**Kedua:** Kita perlu mengambil contoh teladan daripada Rasulullah ﷺ serta para sahabat yang sangat menekankan kepada kepentingan menuntut dan mencintai ilmu.

**Ketiga:** Kualiti kehidupan kita boleh diperbaiki dan ditingkatkan dengan ilmu agama yang sahih serta ilmu dalam pelbagai bidang yang lain supaya lahir umat yang kuat, maju dan berdaulat.

**Keempat:** Masyarakat perlu ada kesungguhan untuk menghadiri kelas pengajian yang diadakan di masjid dan surau sebagai menunjukkan kecintaan kepada ilmu seperti yang digalakkan oleh Baginda ﷺ.

Firman Allah dalam surah Ali-Imran ayat 110:

كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ وَتُؤْمِنُونَ بِاللَّهِ وَلَوْ  
ءَامَنَ أَهْلُ الْكِتَابِ لَكَانَ خَيْرًا لَهُمْ مِّنْهُمْ الْمُؤْمِنُونَ وَأَكْثَرُهُمُ الْفَاسِقُونَ ﴿١١٠﴾

Maksudnya: “Kamu (wahai umat Muhammad) ialah umat yang terbaik yang dilahirkan untuk (faedah umat manusia (kerana) kamu menyuruh melakukan segala perkara yang baik (makruf) dan kamu menegah daripada melakukan segala perkara yang buruk dan keji (mungkar) serta kamu beriman kepada Allah (dengan sebenar-benar keimanan). Dan sekiranya ahli kitab (Yahudi dan Nasrani) itu beriman (sebagaimana yang semestinya), tentulah (keimanan) itu lebih baik bagi mereka. Ada antara mereka yang beriman tetapi kebanyakan mereka orang yang fasik.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهَدْيِ سَيِّدِ الْمُرْسَلِينَ، أَقُولُ مَا  
سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ هُوَ  
الْغَفُورُ الرَّحِيمُ.





## Khutbah Kedua Bulan Oktober

2023M/ 1445H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِحُشْنِهِ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.  
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ، وَزِينَةَ  
عَرْشِهِ وَمِدَادَ كَلِمَاتِهِ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،  
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:  
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ، وَارْضَ  
اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ،  
وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،  
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَئِمَّتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ  
مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan  
Agong, Al-Sultan Abdullah Ri'ayatuddin Al-Mustafa Billah Shah Ibni  
Almarhum Sultan Haji Ahmad Shah Al-Musta'in Billah dan Kebawah Duli  
Yang Maha Mulia Seri Paduka Baginda Raja Permaisuri Agong, Tunku



Azizah Aminah Maimunah Iskandariah Binti Almarhum Al-Mutawakkil  
Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul  
Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ  
مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ  
الْعَالَمِينَ.

*Ya Allah! Dengan sifat-Mu yang Maha Pemurah dan Maha Mendengar,  
jadikanlah kami dan keturunan kami orang-orang yang istiqamah  
mendirikan solat secara berjemaah serta mengeluarkan zakat dan  
melaksanakan waqaf melalui agensi milik penuh Majlis Agama Islam  
Negeri Pulau Pinang (MAINPP) iaitu Zakat Pulau Pinang (ZPP) dan Wakaf  
Pulau Pinang (WPP).*

*Ya Allah! Berilah petunjuk-Mu kepada kami dan pemimpin-pemimpin kami  
untuk memberikan khidmat bakti yang terbaik kepada agama, bangsa dan  
negara. Ya Allah! Kuatkan iman kami agar dapat menghindari perbuatan  
khianat, salah guna kuasa dan harta, memberi atau menerima rasuah dan  
segala perbuatan durjana yang merosakkan kepentingan agama,  
masyarakat dan negara.*

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ  
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٥﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ  
يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٦﴾